

ERABAKIA, 2025eko UZTAILAREN 2koa, UPV/EHUko ERREKTOREARENA, UPV/EHUn IRAKASLEEN ORDEZKAPEN BEHARREI ERANTZUTEKO HAUTAGAIA ZERRENDAK ZABALTZEKO DEIALDI PUBLIKOA EGITEKO DENA.

Otsailaren 25eko 3/2004 Legeak, Euskal Unibertsitate Sistemarenak, honako hau dio 25. artikuluan: "Lanpostuen zerrendetako lanposturen bat hutsik gelditzen bada, bai heriotzaren bat gertatu delako edo beste arrazoiren bat egon delako, bai lizentzia izateagatik zein legean aurreikusitako beste edozein arrazoirengatik norbait kanpoan delako, eta lanpostu hori atxikita dagoen jakintza arloko irakasleek irakaskuntzako premiei erantzun ezin badiete, unibertsitateak ordezkioak kontratatu ahal izango ditu, behar den beste denborarako, aplikatzekoa den lan kontratuarekin bat etorritz, betiere plantillen taxuketa orok eskatzen duen arrazionaltasuna, eraginkortasuna eta eragimena kontuan hartuta."

Unibertsitate Sistemari buruzko martxoaren 22ko 2/2023 Lege Organikoak 80. artikuluan xedatzen duenez (apirilaren 12ko 4/2007 Lege Organikoak emandako idazketa), unibertsitateek lan kontratua egin ahal izango diete lanpostua gordeta izateko eskubidea duten langileen ordezkotzak egingo dituzten irakasle-ikertzaileei, bertan aipatutako modalitateei jarraituta.

Bestalde, aipatutako 3/2004 Legeak dio hautaketa prozesuak Konstituzioan aipatutako berdintasun, merezimendu eta gaitasun printzipioen arabera egin behar direla.

Otsailaren 15eko 17/2022 Dekretuaren bidez onartutako Euskal Herriko Unibertsitatearen Estatutueta 37. artikulua dio, 27.4 artikuluari lotuta, lanpostuak premiaz eta aldi baterako betetzeko, kontuan hartuko dela Gobernu Kontseiluak onartutakoa eta, edonola ere, ustekabeko egoeretan eskolak ematen direla bermatuko duela, kasuan kasuko lanpostua arauz betetzeko prozesua amaitu arte.

Euskal Herriko Unibertsitateko Gobernu Kontseiluak 2022ko martxoaren 31ko bileran onartu zuen UPV/EHUko irakasleen ordezkioen zerrendak osatzeko eta gestionatzeko arautegi berria (2022ko maiatzaren 18ko EHAA), unibertsitateko sailen eskariei eta premiei erantzungo dieten ordezkioen zerbitzua kalitatezkoa eta eraginkorra izan dadin.

2024ko azaroaren 25eko epaia betez, komenigarria da zerrenden indarraldia ikasturte batera mugatzea eta bermatzea eskariak aurkezteko epea ireki orduko

jendaurrean egongo dela plaza bakoitzeko merezimenduen baremazioa.

Horregatik guztiagatik, honako hau

ERABAKI DUT:

Lehenengoa.- Deialdiaren xedea

Deialdi honen helburua da bi motatako zerrendak osatzea, lehiaketa sistemaren bidez.

-Doktore titulua daukaten hautagaiek osatutako zerrendak.

-Zerrenda osagarria lizentziatu, arkitekto, ingeniari, gradu edo titulu baliokidea daukaten hautagaiekin. Zenbait arlotan (2.2 atalean zehaztutakoetan), aldi batez, unibertsitateko diplomatua, ingeniari teknikoa, arkitekto teknikoa edo titulu baliokidea.

Zerrenda horiek erabiliko dira LOSUko 80. artikulua babesean irakasle ordezkioak kontratatzeko 2025/2026 ikasturtean, sailetan sor daitezkeen irakaskuntza premiei erantzuteko, betiere sailak ez badauka, kasuan kasuko jakintza arloan, ahalmenik aldi baterako irakaskuntza bere gain hartzeko eta egoera honakoetako bat bada:

- a). Irakasleak, bere eskubideei jarraituz, lanpostua uzten duenean lanpostua gordeta izateko eskubidea izanda (gaixotasun baja edo lizentzia, amatasuna edo aitatasun baja edo lizentzia, zerbitzu betekizunak, zerbitzu bereziak, lizentzia sabatikoak, eszedentziak, lanaldi murrizketak, sindikatuan lan egiteko liberazioa eta abar) edo irakats betebeharrak murriztuta izatea edo betebeharrak horietatik salbuetsita egotea dakarten kargu akademikoak betetzen egotea. Hori horrela izango da edozein izanda ere irakasleak unibertsitatearekin daukan lotura profesionala, funtzionarioak barne.
- b). Ezustean hutsik geratutako plazen irakaskuntza bete behar denean, unean uneko ikasturtea amaitu arte. Ikasturtea bukatuta plaza eraldatu edo amortizatu egingo da.
- c). Aparteko kasuetan, eta, betiere, Irakasle-ikertzaileen Plan Zuzendariaren babesean hartutako akordioei jarraituz, irakasle funtzionarioaren edo lan kontratadun irakasle plaza sortu berria hutsik egonik aurrekontuz hornituta dagoenean. Mota horretako plazak aldi baterako beteko dira arauari jarraituz behin betiko bete arte. Horrelakoetan, kontratuaren iraupenari dagokionez, 20/2021 Legea bete behar da.

Lehenengo zerrendetan egon gabe deialdi honetara aurkezten direnek ezin izango dituzte aldatu aukerak, campusari, arduraldiari eta hizkuntzari dagokionez,

zerrenda berriz zabaltzeko deia egin arte edo zerrendako merezimenduak eguneratzen ez diren bitartean. Salbuespen bakarra hizkuntzaren (euskaren zein hizkuntza ez-ofizialen) jakite mailari dagokiona izango da, gorago esan bezala lehiaketan parte hartzeko eskariak aurkeztu ondoren ere egiaztatu ahal izango baita.

Bigarrena.- Baldintzak eta agiriak

UPV/EHUn irakasleen ordezkotzak egiteko zerrendan sartu ahal izateko, ondoren aipatzen diren baldintzak bete behar dira lehiaketan parte hartzeko eskaria egiteko epea amaitu baino lehen; eta behien zerrendan egonda ere, baldintza guztiak bete behar dira kontratua egingo den datara arte.

1.- BALDINTZA OROKORRAK:

1.- Hamasei urte beteta izatea. NANA aurkeztu behar da edo nazionalitatea egiaztatzeko dokumentu bat ("Derrigorrezko dokumentazioa (Zerrendan sartzeko baldintzak)-NANaren fotokopia" atalera igo behar da aplikazioan).

2.- Zinpeko adierazpena, non hautagaiak ziurtatuko duen ez dela izan aldendua diziiplina espedientearen bidez administrazio publikoetatik, eta ez dagoela eginkizun publikoak betetzeko ezgaituta, kontuan izanda, betiere, zehapenen iraungitze data (baldintza hau betetzeko dagokion laukia markatu behar da eskaria aurkezteko aplikazioan).

3.- Deialdiko lanpostua betetzeko behar den gaitasun funtzionala izatea.

4.- Lehiaketan parte hartzeko tasak ordaintzea.

Tasa ordainketa pasabidearen bidez ordainduko da, edota eskaria modu telematikoa egitean deskargatu eta inprimatutako ordainagiriaren bidez.

Tasa ordaintzeko erabiliko bada aplikazioak ematen duten ordainagiria, ez da aurkeztu behar horren kopia, automatikoki erregistratuko baita aplikazioan ordainketa egin dela.

Zerrenda bakoitzerako: 20,27 euro.

Lehiaketatik kanpo geratuko dira eskariak aurkezteko epean diru kopuru hori osorik ordaindu ez duten lehiakide guztiak, eta ez da beste eperik zabalduko tasak ordaintzeko edo osatzeko.

5.- Gaztelania hizkuntza ofizialtzat ez daukaten herrialdeetako hautagaiek gaztelaniazko C1 maila egiaztatu behar dute.

2.- BALDINTZA AKADEMIKOAK

1.- Doktoreen zerrendetan sartzeko doktore titulua izan behar da, zerrenda bakoitzerako zehaztuko den jakintza arlokoa edo arloetakoa; edo, bestela,

titulu horren ordezkotzat ziurtagiria, titulua jasotzeko eskubideak ordaindu ondoren ematen dena.

Kontuan izanda arautegiak ez duela murriztailea izan nahi, doktore titulua ez bada hasiera batean zerrendarako zehaztutako jakintza arloetakoak, baina bai kidekotzat har daitekeen arlo batekoak, kasuan kasuko sailak aztertuko du hautagaia onar daitekeen ala ez.

Doktore titulua aplikazioko "Derrigorrezko dokumentazioa (Zerrendan sartzeko baldintzak)-eskatutako titulazioaren fotokopia" atalera igo behar da.

2.- Zerrenda osagarrietan sartzeko, zerrenda bakoitzerako zehaztuko den graduatu, lizentziatu, arkitekto, ingeniari edo pareko titulua izan behar da; edo, bestela, titulu horren ordezkotzat ziurtagiria, titulua jasotzeko eskubideak ordaindu ondoren ematen dena.

Kontuan izanda arautegiak ez duela murriztailea izan nahi, hautagaiaren titulua ez bada hasiera batean zerrendarako zehaztutakoetako bat, baina bai kidekotzat har daitekeena, kasuan kasuko sailak aztertuko du hautagaia onar daitekeen ala ez.

Doktore titulua aplikazioko "Derrigorrezko dokumentazioa (Zerrendan sartzeko baldintzak)-eskatutako titulazioaren fotokopia" atalera igo behar da".

Ondorengo jakintza arloetarako unibertsitateko diplomatuak, arkitekto teknikoak, ingeniari teknikoak edo pareko titulua dutenak sartu ahal izango dira: 0187 Gorputz Adierazpidearen Didaktika; 0189 Musika Adierazpidearen Didaktika; 0193 Plastika Adierazpidearen Didaktika; 0255 Erizaintza; 0413 Fisioterapia; 0813 Gizarte Langintza eta Gizarte Zerbitzuak.

Dena den, sail eta arlo jakin bateko zerrenda osagarrian dagoen hautagaiaren batek doktore titulua lortzen badu eskariak aurkezteko epea behin bukatuta, titulua aurkeztu ahal izango du eta sail eta arlo bereko doktoreen zerrendan sartu, betiere doktoreen zerrendan sartzeko gainontzeko baldintzak betez gero. Horrelakoetan, hautagai hori jatorriz zerrenda nagusian zeuden doktoreen atzean egongo da, eta ez da merezimenduen puntuaziorik berrikusiko zerrenda eguneratu arte. Kasu honetan, doktoreen zerrendan sartu ondoren, zerrenda osagarrian egoteari utziko dio.

Zerrendarako eskatzen den titulua atzerrian lortutakoa bada, Espainian homologatuta edo baliokidetasuna egon behar da: ez da nahikoa izango homologazioa eskatu dela egiaztatzen duten agiriak aurkeztea.

Atzerrian lortutako doktorego tituluen baliokidetasuna UPV/EHU bertan eskatu ahal izango da, horretarako ezarritako prozedurari jarraikiz.

Gratu, lizentziatura, arkitektura, ingeniari, unibertsitateko diplomatura,

arkitektura tekniko eta ingeniari tekniko tituluen kasuan, aurkeztutako homologazioa bat etorri behar da 889/2022 Errege Dekretuak, urriaren 18koak, zehaztutakoarekin (889/2022 Errege Dekretua, urriaren 18koa, atzerriko hezkuntza sistemetako unibertsitate ikasketak homologatzeko, baliokidetzat jotzeko eta baliozkotzeko baldintzak eta prozedurak ezartzen dituen eta aurreko antolamendu akademikoetako unibertsitate titulu ofizialek Goi Mailako Hezkuntzarako Kualifikazioen Espainiako Esparruko maila duten parekotasuna ezartzeko prozedura arautzen duena).

3.- Zerrenda bakoitzean sartzeko eskatu ahal izango diren baldintza bereziak betetzen direla egiaztatzen duten agiriak (adibidez esperientzia kliniko, espezialitate medikoa, hizkuntzen jakite maila eta abar). Agiri hauek aplikazioko "Derrigorrezko dokumentazioa (Zerrendetan sartzeko baldintzak)-baldintza bereziaren egiaztagiria" atalera igo behar dira.

Hirugarrena.-Eskariak nola aurkeztu

1.- Irakasleen ordezkotzak egiteko zerrendetan sartzeko lehiaketan parte hartu nahi dutenek eskaria aurkeztu behar dute, modu telematikoan, helbide honetan:

https://gestion-enplegu.ehu.es/jobsite_g/euskera/generico_login.jsp

Eskari bat aurkeztu behar da parte hartu nahi den zerrenda bakoitzerako eta bertan honako hauek adierazi behar dira nahitaez: hautagaiaren datu pertsonalak, helbidea, harremanetarako telefono mugikorra eta helbide elektronikoa.

Interesatuak eskaria aurkeztuta, aplikazioak erregistratu egingo du, eta erregistroko sarreraren zenbakia eta data emango dizkio interesatuari

2.- Lehiaketan parte hartzeko baldintzak bete behar dira lehiaketan parte hartzeko eskariak aurkezteko epea amaitu baino lehen, kasu hauetan izan ezik: euskara edo hizkuntza ez-ofizialak (ikusi beherago zehazten dena) eta zerrenda osagarrian egonik doktore titulua lortzen duten hautagaiak.

3.- Hautagaiek agiri hauek aurkeztu behar dituzte, pdf formatuan, eskariak aurkezteko aplikazioan:

A) Deialdian parte hartzeko zehaztutako baldintza guztien egiaztagiriak

B) Adierazitako merezimenduen egiaztagiriak

4.- Zerrendetan sartzeko baldintzak betetzen direla egiaztatzen duten agiriak aplikazioko "Derrigorrezko dokumentazioa (zerrendan sartzeko baldintzak)" atalera igo behar dira.

5.- Merezimenduak baloratzeko, beharrezkoa izango da horiek alegatzea eta

behar bezala egiaztatzea, kasuan kasuko dokumentazioa igoz aplikazioko ataletara.

6.- Eskaria aurkeztu eta erregistratu ondoren ere agiri berriak igo ahal izango dira aplikaziora, eskariak aurkezteko epea amaitu arte. Eskariak aurkezteko epea bukatu ondoren, ez da beste eperik zabalduko merezimendu gehiago aurkezteko.

7. - Eskariak aurkezteko epea eta baldintzen eta merezimenduen egiaztagiriak aurkeztekoa web orrian argitaratuko da zerrenda bakoitzerako. Epeak ez dira inolaz ere abuztuan argitaratuko.

Laugarrena.- Ordezkoak egiteko aukerak

1. Hautagaiek beren-beregi adierazi behar dituzte beren aukerak, hauetarako:

a) Lanaldi osoko edo partzialeko ordezkoak campus bakoitzerako

Campus bat edo gehiago aukeratu ahal izango ditu, eta lanaldirako aukerak ondokoak izango dira:

- - Arduraldi osoa baino ez.
- - Arduraldi partziala baino ez.
- - Arduraldi osoa zein partziala.

b) Hizkuntza:

Hautagaiek hizkuntza hauek aukeratu ahal dituzte ordezkoat egiteko:

- Euskara.
- Gaztelania.
- Ingelesa.
- Frantsesa.

b.1) Hizkuntza ofizialen jakite maila egiaztatzea.

Eskolak euskaraz emateko, euskaraz irakasteko gaitasun agiria izan behar da, Euskarako errektoreordeak 2002ko ekainaren 5ean emandako erabakiari jarraituz (uztailaren 11ko EHAA), aurkeztuta Hizkuntzen Europako Erreferentzi Marko Bateratuko C1 mailaren pareko titulua (2010eko azaroaren 15eko EHAA), edo apirilaren 3ko 47/2012 Dekretuan adierazitakoari jarraituz (euskaraz egindako ikasketa ofizialak aintzat hartzeko eta euskara maila hizkuntza tituluen eta ziurtagirien bidez egiaztatzetik salbuesteko dekretua). Gaitasun hori egiaztatzen duen agiria aplikazioko "Hizkuntzak (hizkuntza eskakizunak)" atalera igo behar da.

Hautagaiak euskaraz irakasteko gaitasuna egiaztatu badu baina ez badu aukeratu hizkuntzarik ordezkotzak egiteko, ulertuko da euskaraz zein gaztelaniaz irakasteko prest dagoela.

- b.2) Hizkuntza ez-ofizialen jakite maila egiaztatzea. Filologietako arloren bateko zerrendan sartzeko, irakaskuntza hizkuntza ez-ofizialean emateko denean, kasuan kasuko hizkuntzako C1 maila izan behar da egiaztatuta Euskal Herriko Unibertsitateko Gobernu Kontseiluak, 2010eko ekainaren 24an, onartutako erabakiari jarraituz, horren bidez ofizialak ez diren hizkuntzetan irakaskuntza eskaintzeko egiaztagiria eskuratzeari buruzko araudia onartu baitzen (2010-12-02ko EHAA); erabaki hori eguneratu egin zen Koordinazioaren eta Nazioarteko Harremanen arloko errektoreordeak 2017-05-22an emandako erabakiaren bidez (aplikazioko atala: "Hizkuntzak (hizkuntza eskakizunak)").

Hautagaiak hizkuntza ez-ofizialean irakasteko gaitasuna egiaztatu badu baina ez badu aukeratu hizkuntzarik ordezkotzak egiteko, ulertuko da gaztelaniaz zein egiaztatutako hizkuntza ez-ofizialean irakasteko prest dagoela.

- b.3) Hautagaiak ez badu egiaztatu euskaraz irakasteko gaitasuna, ezta ere hizkuntza ez-ofizial batean irakasteko gaitasuna, gaztelaniaz baino ezingo ditu eman eskolak.

Dena dela, eskariak aurkezteko epea amaitu ondoren hautagaien batek egiaztatzen badu Deialdi eta Lehiaketan Atalean baduela euskaraz edo hizkuntza ez-ofizial batean irakasteko gaitasuna, une horretatik aurrera egiaztatutako hizkuntza horretan eman ahal izango ditu.

2. Zerrendako merezimenduak eguneratzen ez diren bitartean, zerrendako kideek ezin izango dituzte aldatu aukerak, campusari, arduraldiari eta hizkuntzari dagokionez. Salbuespen bakarrak hizkuntzaren jakite mailari (euskara zein hizkuntza ez-ofiziala) eta doktore tituluari dagozkienak izango dira, gorago esan bezala lehiaketan parte hartzeko eskariak aurkeztu ondoren ere egiaztatu ahal izango baitira.

Bosgarrena.- Merezimenduak egiaztatzea

Hautagaiak aurkeztutako eta behar bezala egiaztatutako merezimenduak arautegiko 4. artikuluan aipatzen diren epaimahaiek barematuko dituzte.

Azpiatal bakoitzean, laneko esperientziaren azpiataletan izan ezik, gehienez bost merezimendu hartuko dira kontuan.

1.- Irakaskuntzako esperientzia egiaztatzea

Irakaskuntzako esperientzia, oro har, honela egiaztatuko da:

- Euskal Herriko Unibertsitatean egindako irakaskuntzako zerbitzuak direnean, ez da beharrezkoa izango horiek egiaztatzea, administrazio honek ofizioz erantsiko baititu, baldin eta hautagaiak eskatzen badu aplikazioaren bidez emandako zerbitzuak ofizioz egiteko. Dena dela, emandako irakasgaiak jasotzen dituen ziurtagiria aurkeztu ahal izango dute hautagaiak.

- Irakaskuntza publikoan egindako zerbitzuak zerbitzu orriaren bidez eta emandako irakasgaiak eta arduraldia jasotzen dituen ziurtagiriaren bidez egiaztatuko dira.

- Irakaskuntza pribatuan egindako zerbitzuak egiaztatzeko lan kontratua eta Gizarte Segurantzaren Diruzaintza Orokorrak emandako ziurtagiria (ikastetxearen –enpresaren– izena eta alta aldia jasoko dituen) aurkeztuko dira. Emandako gaiak zehazten dituen egiaztagiria ere aurkeztu behar da.

UPV/EHUko master ofizialetan egindako irakaskuntza lana egiaztatzeko, GAUR aplikazioaren bidez lortutako irakaskuntza egiaztagiria aurkeztuko da.

2.- Lan esperientzia egiaztatzea

Lan esperientzia, oro har, honela egiaztatuko da:

- Beste batzuen konturako lan esperientzia izanez gero, lan kontratuaren kopia eta Gizarte Segurantzaren Diruzaintza Orokorrak emandako ziurtagiria. Enpresaren ziurtagiria ere aurkeztu behar da, betetako lanpostuak eta zereginak zehaztuta.

- Norbere konturako lan esperientzia izanez gero, egindako jardueren zinpeko aitortenaren bidez eta dagokion Ogasun Sailak emandako ziurtagiriaren bitartez (jarduera ekonomikoen gaineko zergan izandako alta aldiak jasotzen dituen). Aurrekoaz gain, egindako lanak egiaztatzeko, agiriak aurkeztu behar dira (BEZ aitortenak, adibidez).

3.- Izandako bekak egiaztatzea

Bekak egiaztatzeko, berriz, beka deialdia egin zuen organoaren ziurtagiria aurkeztu behar da. Ziurtagiri horretan beren-beregi adierazita ageri behar da noiztik noiz arte izan zuen beka hautagaiak, eta denboraldi horretan etenaldirik egon zen ala ez.

Seigarrena.- Onartuen eta baztertuen behin-behineko eta behin betiko zerrendak

1.- Eskariak aurkezteko epea amaiturik, unibertsitateko errektoreak onartuen eta baztertuen behin-behineko zerrenda argitaratuko du Irakasle-ikertzaileen Ataleko iragarki ohol elektronikokoan eta unibertsitatearen webgunean, eta

horixe izango da interesatuei horren berri emateko modua. Hamar eguneko epea irekiko da, zerrenda hori webgunean argitaratzen den egunaren biharamunetik aurrera, errakuntzak zuzentzeko. Errakuntzak zuzenduko ez dituzten pertsonak prozesutik kanpo geratuko dira betiko. Aipatu den epe horretan erreklamazioa ere aurkeztu ahal izango da behin-behineko zerrendaren kontra eta, behin epea bukatuta, zerrenda behin betikoa izango da.

Hautagai batek erreklamazioa jartzen badu zerrendatik kanpo geratzeko arrazioia izan delako ez duela aurkeztu zerrenda horretarako eskatutako titulua, kasuan kasuko sailak horri buruzko txostena egingo du.

2.- Errakuntzak zuzentzeko agiriak eta erreklamaziorako agiriak UPV/EHUko erregistro elektronikoaren bidez aurkeztu behar dira oinarri hartuta Universidad del País Vasco/Euskal Herriko Unibertsitateko idazkari nagusiaren 2024ko irailaren 11ko Erabakia, Universidad del País Vasco/Euskal Herriko Unibertsitateko bitarteko elektronikoekin funtzionatzeko eta jarduteko Arautegia argitaratzen duena.

Errakuntzak zuzentzeko eta erreklamazioak aurkezteko epean ezingo da alegatu eta/edo egiaztatu beste merezimendurik.

3.- Onartuen eta baztertuen behin betiko zerrendaren kontra berraztertzeke errekurtsioa aurkeztu ahal izango zaio errektoreari hilabeteko epean edo, bestela, administrazioarekiko auzi errekurtsioa jarri ahal izango da zuzenean, bi hilabeteko epean, argitaratzen denetik kontatzen hasita.

Seigarrena.- Merezimenduen balorazioa

1.- Merezimenduak epaimahaiak epaitu eta baloratuko ditu. Hautagai bakoitzari puntuazioa emango zaio, plaza bakoitzerako zehaztutako baremoaren arabera, eta puntuazio handienetik txikienera ordenatuko dira zerrendan.

2.- Deialdian zehaztu gabeko gaietarako edo zalantzarik izanez gero, gomendioa da epaimahaiak teknikariei aholku eskatzea.

3.-Epaimahaiaren proposamenak unibertsitatearen webgunean argitaratuko dira.

4.- Epaimahaiek egindako proposamenen kontra gora jotzeko errekurtsioa aurkeztu ahal izango zaio unibertsitateko errektoreari. Horretarako epea hilabetekoa izango da, proposamen horiek webgunean argitaratzen diren egunaren biharamunetik kontatzen hasita. Dena dela, horrek ez du eragotziko beste edozein motatako errekurtsorik jartzea. Gora jotzeko errekurtsorik jarritz gero, webgunean jakinaraziko da, eta interesatuek hamar eguneko epea izango dute alegazioak aurkezteko.

Zortzigarrena.- Deiak

1.- Irakasle baten ordezkoa egin behar denean, kasuan kasuko jakintza arlo eta saileko doktoreen zerrenda erabiliko lehenik eta behin. Ordezkoa egiteko ezaugarriak betetzen dituzten hautagaiei deituko zaie unean-unean eskura egongo diren bitarteko telematikoen bidez (SMS, posta elektronikoa, jakinarazpen elektronikoa, telefono finkoa zein mugikorra).

2.- Ordezkatza egiteko eskaintza jaso duten hautagaiek bi egun naturaleko epea izango dute, eskaintzaren jakinarazpena hartzen dutenetik hasita, adierazteko ordezkotza egiteko interesik duten edo uko egin nahi dioten eskaintzari. Oso kasu berezietan, adierazitako epean egiaztatu behar direnak eta irakasle-ikertzaileen Errektoreordetzak aztertu, epea luzatu egin ahal izango da.

3.- Esleipendunak kontratua sinatu behar du horretarako zehaztutako epean. Epe horretan ez bada kontratua sinatzera agertu, ordezko irakasle izateari uko egin diola ulertuko da eta, ondorioz, zerrendako hurrengoari deituko zaio.

Oso kasu berezietan, batez ere lana eta familia bateratzearekin zerikusia daukatenetan, eta errektoreak hala erabakiko balu, luzatu egin ahal izango da aurreko atalean adierazitako epea.

4.- Unibertsitate honetan ezingo dira izan arduraldi partzialeko bi kontratualdi berean irakaskuntzako zereginak betetzeko.

Bederatzigarrena.- Deialdiaren jarraipena

1.- Deialdi honi buruzko informazioa IRLen Deialdi eta Lehiaketa Atalaren web gunean argitaratuko da.

2.- Hautagaiak eskariaren jarraipena egin ahal izango du Langileen Atariaren bidez (eskaria aurkezteko erabilitako aplikazioa).

Hamabigarrena.- Errekurtsoak

Deialdi honen kontra aukerako berraztertze errekurtsoa aurkez dakioke UPV/EHUko errektoreari hilabeteko epean, edo, bestela, administrazioarekiko auzi errekurtsoa jar daiteke zuzenean jurisdikzio horretako Bilboko epaitegian, bi hilabeteko epean, deialdi hau argitaratu eta biharamunetik kontatzen hasita.

Xedapen iragankor bakarra.- Aurreko zerrenden indarraldia

Deialdi hau ebatzi bitartean, orain arte erabili diren zerrendak egongo dira indarrean.

Leioa, 2025eko uztailaren 2an.

ERREKTOREA

Eskuordetzaz Irakasle-ikertzaileen errektoreordea (UPV/EHUko errektorearen erabakia, 2025eko urtarrilaren 30ekoa. 2025eko otsailaren 19ko EHAA).